



UDRUŽENJE GRAĐANA ZA POVRAT STARE
DEVIZNE ŠTEDNJE U BiH i DIJASPORI

RAIFFEISEN BANKA
ž.r. 161045003682073
e-mail: nnisic@spinter.net
www.starastednjabh.org

Sjedište: Banja Luka 78000
I. G. Kovačića 139b
tel. 051/380-738
fax. 051/381-374

UPRAVNI ODBOR

Broj: 1566/10
Banja Luka, 29.07.2010
Fax. 00381113620676

PREDSJEDNIKU REPUBLIKE SRBIJE

Gospodinu **BORISU TADIĆU**
11000 BEOGRAD
Andrićev Venac br. 1.

Predmet: Molba za prijem Delegacije Udruženja građana za povrat stare devizne štednje kod Invest banke Beograd u BiH i dijaspori, Banjaluka i Udruženja građana za zaštitu ljudskih prava „Topli dom”Sarajevo.

Poštovani gospodine predsjedniče!

Obraćamo Vam se sa posebnim poštovanjem i kao Predsjedniku Republike Srbije . i kao čovjeku i istinskom demokrati i borcu za ljudska prava u regionu, s molbom da lično ili putem nadležnog organa, primete i saslušate našu delegaciju koja zastupa i štiti interes više od stotinu hiljada prevarenih i oštećenih vlasnika stare devizne štednje kod bivše Investbanke Beograd.

Vaš prijem naše delegacije i razumijevanje opravdanih zahtjeva štediša stare devizne štednje kod bivše Invest banke dao bi nam nadu da ćete, kao Predsjednik i kao čovjek, pokrenuti inicijativu za povrat stare devizne štednje i pozitivno uticati da se ona što prije realizuje ne kao sukcesivna nego kao vlastita sredstva štediša.

. Cilj posjete naše delegacije je dogovor o utvrđivanju efikasne strategije i modaliteta povratka stare devizne štednje štedišama iz BiH, uložene kod Invest banke Beograd.

Aktivnosti nadležnih organa Srbije i Bosne i Hercegovine u proteklim godinama na utvrđivanju modaliteta povratka stare devizne štednje bile su pasivne, neefikasne i nekonkretne, a tim i vrlo štetne za stotine hiljada prevarenih i osiromašenih štediša koji, u najvećem broju, sada, žive i umiru na rubu svoje egzistencije, bez sredstava za život. Navodne međudržavne rasprave o rješenju problema povratka stare devizne štednje modalitetom sukcesije nemaju pravni osnov, jer se radi o privatnoj a ne državnoj imovini, te je taj modalitet neprihvatljiv za štediše i kao takav samo odgađa rješenje ovog nepotrebnog problema i čini štetu štedišama i dignitetu ovih država na međunarodnom planu.

S obzirom da su sporna sredstva štednje lična imovina građana, štediše, odnosno ova udruženja, kao njihovi predstavnici, neće prihvatiti međudržavni dogovor o povratku stare devizne štednje kod Invest banke putem sukcesije, već

insistiraju na rješenju direktne isplate štednih uloga štedišama prema iznosima u štednim knjižicama Invest banke i sa odgovarajućom kamatom za proteklo vrijeme.

Zbog neprihvatljivosti ovog problema sukcesijom, i zbog neprimjerenih manipulacija vremenom i administrativnim odredbama i radnjama pri stečaju banke(da se ne priznaju i otpisuju oročene štednje) i u tom smislu neprimjerenih presuda privrednih sudova u Srbiji, veliki broj štediša je već uložio tužbe protiv Srbije kod Evropskog suda za ljudska prava u Strazburu i u tom cilju zatražio pomoć od nadležnih organa Evropske unije u cilju brzog rješenja ovog nepotrebnog problema.

S obzirom na iskazanu spremnost Srbije da isplati staru deviznu štednju štedišama u BiH i u protivnom namjere štediša da, ako se ne isplati štednja, protestuju blokadom svih privrednih i drugih subjekata iz Srbije u BiH, još jednom Vam predlažemo da, radi zaštite ljudskih prava štediša i digniteta Srbije na međunarodnom nivou, upotrijebite svoju poziciju u državi i predložite prihvatljivo rješenje za tolike hiljade osiromašenih štediša.

Ova udruženja, kao legitimne asocijacije vlasnika stare devizne štednje su spremna da podrže odgovarajući kompromis sa Srbijom kako bi se izbjegle komplikacije pred Evropskim sudom za ljudska prava u Strazburu i evropskim institucijama na štetu Srbije, što podrazumijeva dogovor o prihvatljivom načinu direktne isplate štednje štedišama, prema stvarnim iznosima u štednim knjižicama sa kamatom za protekli period, i to putem ovlaštenih banaka ili ustanova u BiH.

Dogovorno rješavanje problema je od obostranog interesa. Zbog toga još jednom molimo da nas primete da zajednički dogovorimo i iniciramo aktivnost nadležnih organa u Srbiji, da u saradnji sa nadležnim organima u BiH i predstavnicima štediša, ubrzaju aktivnost na rješavanju ovog gorućeg problema, i to u duhu ovog našeg zahtjeva. U tom slučaju, biće Vam zahvalan veliki broj građana BiH za razumijevanje njihovih egzistencijalnih problema u ovom za njih teškom trenutku.

U očekivanju pozitivnog odgovora i rješenja ovog spora, Udruženje građana za povrat stare devizne štednje u BiH i dijaspori i Udruženje građana za zaštitu ljudskih prava „Topli dom” Sarajevo, još jednom Vam izražavaju posebno poštovanje i kao Predsjedniku Republike Srbije i lično .

Ovo pismo biće upućeno Generalnom sekretaru Savjeta Evrope i predsjedniku Evropskog suda za ljudska prava u Strazburu!

Za Udruženje građana za povrat
stare devizne štednje u BiH i dijaspori
predsjednik Upravnog Odbora

Svetozar Nišić

Udruženje građana za
zaštitu ljudskih prava „ Topli dom ”
Sarajevo - predsjednik

Dr Nikola Vujnović dipl.pr